

Chuleh, Aigupta gama kum 400 hial a um uh hi Pathian lemkuat ahi. NUZI TEXT ah kimudan in Aigupta chu Hyksos ten a do ua a zaw ziakun Aigupta Leng vaihawm(foreign ruler) in a pang ua. Amau Hyksos te chu Sema suan(Semitic dynasty) a hiu a, zia ziak a chun Jacob suante chun Aigupta a hunglut lai un ganchinna dingah gam phat napen Goshen gam a chang thei uh a hi.

Ahinla, Hyksos te chu a hat zing puau a, Aigupta te a hung Lal kit phat un, Joseph le a thita, Joseph hilo Lal dang in a hun puak phat un Israel te a ding in a haksa ma ma ta a hi.

Aigupta te chun a vanglai niteu a chun khawngei ngai lo in Pathian mite chu nasatakin

a sugenthei ua, gawtna chisawm(Ten Plagues) a chung ua a tun kim theina di'n Pharaoh lung suktak in a um a. Gawtna chisawm in a suksiat na guchu tuni tiang in kidua dawk theilo in a um uh a hi.

Eihaw thingtang nam mawl te le i khangto tau a. Tuma hun chiasa kum 50 ma dinmun chu i khel to tau a, i dinmun teu i hindan teu i thil neiteu leh i pau dan tiang un a kisang ta'i. Bawlthei kisa deute chun a hitheinau a kisanpi in kuama bangma mit a mu talo in a sang ah upa zaw apa khanguapi tiang le bang ma mit a mulo i tam tau hi.

A diak in Kochuam Upa leh Pastor te ziang le simmaw tak ah hose ngam haw chun a ga a mu di'u chu pello hial in au.



JESU ENTAWN HITIU

Gingtu hinkhua ah hin Nisin ah Jesu ettawna ding hi a tam ma ma hi. I nisin hinkhuau a hin ama entawnin kalsuan leu hin lawtinna, kipakna, lungmuanna, lungawina leh kipakna-te haw hi mimal, insung, khawtang, gam leh nam ah hung tung ngei in a. Nisin ah Jesu i ettawna ding teu chu:

1. A Hepina thina entawn hitiu

Lalpa Jesu'n ei hepina kichian tak ah a suklatna chu ei uh a ding ah gimtui ah Pathian kiang ah thillat ah a kipiak daw kha a hi (Johan 3;16; Eph. 5:2). Zia gual chun ei unle midangte a ding in i hinnau leh i taksa te'u Pathian pawmtak ding in i ki lân dawk ding uh a hi (Rom 12:1). Khrista'n ei hepi gualin ei unle midangte i hepi diu a hi. A zangaina i chung ua a suklat gualin ama entawnin midangte kiang in i sulang diu a hi.

2. A Thianthona entawn hitiu

Nisin ah Lalpa leh a kochuam a dinga kikawi thiango leh kisukthiantho a pawimaw zing hi. Taksa thu ale i kisukthian lo chun i umdan a nuam sek lo a hi. Thagau lamah hiselna ding ah chun thianthona hi ngainep thei chi a hi pu'a'i. Lungthim thianthona bep hiloin muam leh chep ah thianthona tiang huap in. Keima ka thiango gualin nangmau leh thiango tau in a ti (I Pet. 1:5-10). "Keima LALPA hi la Pathian uh ka hi'ngal a; kisuthiangtho unla, keima ka thiango ngal a" a ti (Lev. 11:44-45).

3. A mi ngaidam theina entawn hitiu

A mah mawna le um kei lo ah Khraws lekah khêndêntute a ngaidam hi. Ei uh gingtute hin khuti lawm lawm ah ngaidam

zawlo ding khawp i chungun mi'n thil a bawl khau em? Jesu'n vang Lapa'n a ngaidam gualin kingaidam tua ta un ei ti a hi (Col. 3:13). Mi la ngaidam chun a thilbawl khialnate kha he zui ta kin.

4. A pauchap peina entawn hitiu

Jesu Khrista kha a Pa kiangah a mamawte dawnin khawsaul thisan ah va hial in a pauchap a hi kha. Pauchapna in a zaw lo leh a bawl theilo bangmacha a um pua'i. Pathian thu chun dawn un tichun piak in um in lau a ei ti ngala. La ni chu pauchapna'n pan inla, pauchapna ma in zo in (Lk. 11:1-13).

5. A thawkzawna entawn hitiu (Mt. 27:6-28)

Engbawlna, enghona, musitna te a thuak laiin le phunchiak kei loin a Sawlpa thu a mang hi. A sawltupa a hiatchian ziakin ah thuak zo hi zawi. "... *Belam thalup ding a kai gual un, belam a mulmetna a kidaw hiat hiat gual un, kam khat ziang inle a gen pua'i* (Isai 53:7),

6. A kingawitawmna entawn hitiu

Lalchutpha nusia ah, kingainiamtak ah Gan an piakna kuang in a hung piang hi. Kingainiam maleh a hina, a thilhitheina leh a thupina amang diak lo a hi. Mi thupi la hi nawp leh kingainiam masa'n.

Paul chun, "*Khrista ka ettawn gualin keima ei entawn ta un*" atia. Paul gen gual ngeiin midangte kiangin "*keima ei entawn un*" i ti theina diu em? Pathian thu chun, "*Achate dawitakte gualin Pathian nunchan zui tau in*" (Eph. 5:1) ei ti ngal a .

Hinna Vak simtute zosia Lalpa'n malsawm ta hen !

a hi. Pharaoh lungtâk takin a pawt sak nawplo ziakin Hashem apat in gawtna natna leh hisia a tun sak a, Aigupta chu gialpi ah gawtna ziakin suksiati in a um a, chuleh Aigupta gasua gancha hawle sukgim leh sukmang in a um khawlaw a, chuleh chapa upa pen thana chun a gam hawina leh phatna a subei hi. Chapa chung ah experience (taksa leh nasepna hetna) neina leh sum le pai (economy) haksatna a ki mai tuapi zing a hi. Chuleh, Aigupta sepaite tuipi sung ah pailut ah a um na chun Aigupta gam chu gamdangte mu dan in sukliam a um leh a hawm ngawn a hi.

Flarios Joshephus ni khua kipatin tuni tiang a Historian (malai thusim suitu) ten a chanchin record a khual nau in Aigupta vang a neu hi ti chu amu dan uh a hi. Chuleh a

vangphat nau sût daw thei ding ah um chu Pathian in a umpi zing a Pilna leh Thilhitheina a piak Joseph a gam pumpi ah leng vaipua ding ah a chan khak uh hi a hi. A pu Abraham a kipat ah Pathian malzawl na chang â a um nau mun nasan in vangphatna chang a hia. Joseph le a umna Potiphar insung bep hilo in, suangkul ah a umna nasan in a vangphat khawlawu a hi.

Chuleh, Joseph bep hilo in Israel mi pumpi Aigupta ah akitawl lut uh hi Aigupta te vangphatna a hi. A zia chu Pathian in a mite a umna gam a malzawl sek a hi ban in kum 400 hial a um sung ua ahun tawp lam a chun mipi nuai sawm val in suak na sep a sêm a, thim leh vak patep ah a sep uh chu bangzat bep a sep daw piak diam uh ti hiatzaw hilo a hi.

dangin tui a taksap lai a le Aigupta gam Nile lui dung gam chu tui tasam ngailo a hui. Chuleh, kum sin ah Nile lui luang let chun a gamlei chu thai chin na dingin a siam hawi(fertile) a, nek leh dawn pianna gam a hi ziaq in kialpi tun lai in Jakob suante'n Kanan gam apatin puk suinan ki hinsua nan a nei uh a hi.

Aigupta te chun Israelte chu na gim zaw chek ah sep sak in a sugenthe ma ma ziang tau a. Lalpa vansawlchak pakhat Mosi kiangin hambuk lak ah meikuang in a kilak a, Lalpa chun Aigupta gama ka mipite thawkgim dan ka mu zing a, ana sepsak hotute'u ziaq a ka thawm teu chule ka hetai. A thawkgim dan teu chu kahe chian ta'i, Lalpa'n a tia. Mosi chu Aigupta suak apat Israelte puidawka

Kanan gam Khuaisu leh Bawngnawi luanna gam a pui lut din a sawl ta'i.

Ka hiatchian nuam chu Aiguptaten Pathian mite suak leh sal ah vau ah a sukgenthei ua a ka awgi teu Pathian inle a hiat hial ziang chu vangphat na chang in nui zing di'n kagingcha pua'i, neu khat bek hiatchianna ki nei leh ka nuama, ka bat phaklo di tiang in Upate'n "Sakhi kâp loin phai a ngal chang a tup hi" a ti gual un Internet in question ka bawl a. Aigupta chu Exodus ma leh a nung ah a civilization kibat lona bang gual a hem? ti a hi. A dawnhu nau chu: Aigupta kipat a patdaw nau chu Judate a ding ah thusim kipatna a chi(Seminal) bep hilo in Aigupta te a di'n le a tuak khaklo uh haksatna khawk tak zat chuam chuam a tuak nau



MPCS MANIPUR AREA

Rev. C. Zoramawia
Administrative Secretary

1. Sum din mun:

June 2018 tha Pathian Gam Thilpiak hung lut dan chu ziagual hi a hi.

a) Pathian Gam Thilpiak Report (April 2018- June 2018):

Sl. No.	Budget Head	June '18 Receipt	April-June'18 Receipt
1)	Pathian Gam	19,76,618	57,91,386
2)	Anchangham	2,80,474	8,57,123
3)	Gamthak	11,03,592	32,23,222
4)	Semtlu Chawpna	1,29,736	3,56,621
5)	Sacrament	19,001	85,391
6)	Sunday School	5,314	16,277
7)	Kichenna	1,300	3,250
8)	Damdawi In	550	1,070
	Total	35,16,585	1,03,33,340

b) Pastor Bial chuam chuam Pathian Gam sunlut dan: (June 2018)

Sl.no	Bial	June 2018	The lut zat
1.	Imphal	6,34,915	03
2.	Lamka	5,24,766	03
3.	D. Phailian	5,00,895	03
4.	New Lamka	3,81,394	03
5.	Kangvai	2,82,251	03
6.	Sugnu	2,76,921	03
7.	Mata	1,93,233	03
8.	S. Kawtlian	1,77,812	03
9.	Panglian	96,524	03

10. Delhi Kochuam	70,080	03
11. Sharonphai	68,341	03
12. Leilon	63,490	03
13. Munpi	40,369	03
14. D. Khawzim	30,453	03
15. Leijangphai	30,125	02
16. Kawlhen	25,512	03
17. Phaipheng	23,542	03
18. Phailianbung	20,820	02
19. Dumlian	20,050	03
20. B. Phainuam	16,510	03
21. Tungkyaw	13,000	03
22. Jiribam	12,497	03
23. Nanphalong	5,400	03
24. Chingmei	4,475	03
25. Kalaymyo	3,210	03
Total	35,16,585	

2. Imphal Pastor Bial One Day Seminar

Imphal Pastor Bialin Bial huap Seminar a guanggal chu New Lambulane Kochuam Sunday School Hall ah lawk takin mat zaw a hi. 'Kochuam Upate leh Tual Upa Seminar' chu June 29, 2018 ni'n Rev. C. Zoramawia A/S in a nei pi a. Chun, June 30, 2018 ni'n 'Kochuam Upa Jite leh Tual Upa Jite Seminar' chu Rev. K. Neihzial Co-ordinator in a neipi bawh hi.

3. Dumlian Pastor Bial Kochuam Numei Pawl Anngawl pauchap

July 28, 2018 nin Rev. K. Neihzial, Co-rdinatorin Dumlian Pastor Bial Kochuam Numei Pawl Anngawl Pauchap 50-vei tinna (Golden Jubilee) programme a thugenna a va nei hi.

AIGUPTA NUINA

~ By Rev. H. Genkhohen
New Moreh

Aigupta gam chu Israelte a dingin a saltannau apat Pathian thilhitheina mang ah Mosi'n a puidawna ahia, Gingtute tawh kisai ah a kigen phatleh Setan kulthim sung apat Jesu Khrista'n ei tatdawna etsak na kimang sek a hi. Israel te chu Pharaoh khut nuai ah a saltannau apat a Mosi'n puidaw a guat lai in Pharaoh chun Aigupta nusia ah gamgi a kan di'u a phal pua, Aigupta gam a nutsia lo phawt uchun ama gam sung a Pathian uh a ho di'u chu a phal ma ma hi.

Zia gual a chun, tulai gingtute hin le gitlo nutsiana pianthakna gamgi kanlo ah Pathian ho di chu Setan inle pha asa ma ma hi. Ziaziakchun Kochuam lak a mi khenkhat in diklo takin thil a bawl ua Pathian malzawlina le chang puan a i ti te haw mi sang sang ah vangpha zaw apan sek uh hi a mak puai, a malzawltu chu Pathian hilo in Setan hi zaw di a hi.

Ahileh, Aigupta gam chu gam vangpha a hui a, BC 4500 lai a pat khawvel ah thiamzil nalam ah minthang a hi tau hi. A Lengte'u Pharaoh chu Pyramid ziakin khawvela minthang a hui hi. Chuleh, a gam hausakna zia khat chu Nile lui a hi. Khawvel ah luisau lam ah a panina ahia, a lui nâk lam chu Africa gam hing gawtui tamna kipan a hia, gam

izui nau ah hin Mosi dinmun ah hin zil ding tam tak i nei ui. Khrista'n khawvel a ding in a hinna a pia. Mosi'n le a mipi te a ding in Pathian ma'n a hinna a lân hi "Zia mipite hi langaidam lo ding leh la van Lekhabu kamin la ziksa kha nuaimang mai in" ti in a mipi te a ding in a hinna a lan hi (Exodus 32:32).

Mosi a mipite ding ah malsawmna a hina (Deuteronomy 4:21-24) chuleh nang mau zia kin Lalpa chu kachung in a lungnan Jordan lui ka galkai ah Lalpa la Pathian un la lua ding ua a hun piakna gam chu kalut lona ding in a kipau tiam hial ziang tai, kei vang Jordan lui galkai lo ah zia gam a hin thi den tang ka tin. Nanghaw vang gal kai in zia gam phatak chu lua in lau. "Zia zia ah chun Lalpa la Pathian

un la kiang ua thuthung a siam la bawsiat khak lona ding uh leh Lalpa la Pathian un bangma lim leh a kibatpi him him siam a phal lo haw kha la hetmil lona ding un ching thei tak in um tau in" ti in. Amau haw zia ah gamtiam gam lut lo a hi ti thei a hi lai in. Mosi hin ngaina tak leh daw sak tak in thu vaithak a nei nalai a hi.

Unau te tuni a hin Bible Pathian thu te hi sim in, sutin, ngaitua ngaitua ma leu hin Khrista keng nung bul patna chu kingaitawmna a hi ti i suidaw ua, i hinnau ah i hinpi lo uh a hi chun Khristian nun ze dik leh hawi nei thei puai tiu. Zia zia ah chun Khrista keng nung dik tak zui ah Khristian nun zia dik leh hawi nei thei ding in Lalpan a thu malsawm ta hen. Amen.

4. Khristian Sungkuan Seminar

July 14, 2018 ni'n Rev. C. Zoramawia'n New Lambulane Kochuamte 'Khristian Sungkuan Seminar' a va neipi hi.

5. Finance Campaigner-te Seminar

July 17, 2018 ni'n Thangkai-Lungpau Hall, A/S Office munah Finance Campaigner-te a ding in Seminar kiguanggal chu Rev. C. Zoramawia resource person hina nuaiin mat zaw a hi.

6. Finance Campaign 2018

Manipur Area huap (Tanggam Presbytery leh Jiribam Pastor Bial huap loin) Finance Campaign chu July 22, 2018 nin lawk takin nei zaw a hi ta'i.

7. M. Th. Result

Tuchung Senate of Serampore Result kimu dungzuiin Rev. Summinlian i/c Delhi Pastor chun Aizawl Theological College, Aizawl apatin M. Th. (New Testament) B+ in a hun zo hi.

8. CCTV

Khawvel changkanna in a kentel lak ah pawimaw ma ma CCTV chu Area Office kawi a hi.

9. Software

Office nasep hawitak cha a chia thak theina ding in Office Staff-te a ding in software kawi a hi.

THE CHALLENGES TO PASTORAL MINISTRY IN MANIPUR

Rev. C. Zoramawia,
AS Manipur Area

Thumapui: I thupi'u hi Manipur Area a piang leh khanglian, thil bul bal bangkim hiatte zik ding chi a hi laiin phatchuamngaina ziakin malzin mai hin bukimlo takin ziak mai leng. I ngaidan a hilo deuin le ngaidan chawkthotu'n mang thei leu hin kipak um ma ma in a.

A masa penin i thupi'u ***"The challenges to Pastoral Ministry in Manipur"*** ti hin a huap lian ma ma'i. Manipur gam ah kochuam din lim apat tu tiangin kochuam leh Lal nasepna hin ei chawisan nasat dan gen ding tampi a um laiin Pastoral ministry in malai apat ah tuni tiang ah dawi gual a tunzawlona te, a sep ding dawl a seplo te leh thil tam tak gen ding chu um thei in a. Zia a hizing lai a chun Pastoral ministry i hiatthiam dan uh leh Pastoral Ministry - in a kaw k hi ah i pawm dan dungzui un i gennawp dan inle umzia nei thei ma ma in a. Kochuam (denomination) chuam chuam te hin Pastoral

Ministry i ti'u hi bang pen a hi em? Bang gual in i chiapi'u em? Kua te sep ding in i hiau em? Kua te kiang ah sep ding a hi diam? I ngaidan uh le a kibanglo thei khawp mai hi. Zia ziak chun, Pastoral Ministry i hiatthiam dan uh leh a genchian dan uh zilin ***"The challenges to Pastoral ministry in Manipur"*** ti hin a huap neu in a huap lian thei hi. Pastoral Ministry i hiatthiam dan uh zilin kaw k nei lian ma ma thei baw k in a.

Pastoral Ministry umzia: Pastoral Ministry ti hin Pastor te nasepna ding bep hi ah ngaina hi a lian ma

min lopi leh min dawium piak in a la um a hi. Mihing Pathian tawh kimaitua ah kiho umsun chu Mosi a hi. Pathian in zia gual hin a gen hi. Jawlnei te kiang in amang lam ua le kilakna a te, a kiang un thu ka la gen sek ah. Mosi kiang in vang zia gual chun ka bawl puai, a ma tawh kimaitua in ka kiho sek ui a ti'i (Numbers 12:6-7). Mi khat in a lawi ngai tak a kihopi gual ah Pathian in Mosi chu a kihopi sek a hia. Himaleh Mosi hun nunung lam i et chun lungsiat um tak a hi. Zia gual a hin Mosin Lalpa kiang in a dawn ah, Jordan lui gal ah tang gampha leh Lebanon chu mu ding in ei galkai sak ham ham in aw tin ka dawn in, himaleh nang haw ziak in Lalpa chu ka chung in a lungna ta. Ka thil dawt chu ei limsak tapua, Lalpan ka kiang in hun ta hen zia thu a hin kakiang in bangma gen ta

kin. Pisgah tang vum ah kalto in la, tumlam sualam, mallam, simlam envel in lah, phatak in thil vel in Jordan lui gal hi kai talo ding la hi tai a ti ta.

Mihing lam ah i ngaitua chun Mosi a ding ah hin thasiat umin ngaithiam haksa ma ma in a. Aziak chu haksatna tamtak thuak ah, a mipi te a hun pui ah gam tiam gam khuaizu leh bawngnawi luanna gam chu lut ah, a gam phatna pak chên dih chu a lungthim ah um ngei in ah. Himaleh a gamgi bul ah ding ah gal thil ah, a gam ah lut talo ding ah a chung ah thu tanna um mai hi kangai tua phat leh kanuk abaw k sek hi. Himaleh Mosi chung ah Pathian vaihawmna a hin a lungawi ah a phun puai. Zia hin Khrista lungthim chu a ma ah hin aum hi ti a kilang hi. Gingtu Khrista kengnung

ah mawl pen te sang ah le mawl zaw kingai thei ah, lawtam pen in le In sung ah panna nei lo pen gual ah Khrista zal ah i kingai thei uh a hi chun taksa le thagau ah le chawisang in um ngei hi tiu. A nung i zui uh Khrista ngei le thuawina leh kingaitawmna zia in a pa chun sang tak in a chawisang ah, min zosia chung ah min chungnung pen piak in a um hi. Khrista kengnung i zuinau ah ettawn ding Puitu lopi Mosi chanchin chawmcha vak ngaitua hi tiu.

Mosi hi Aigupta gam pilna zosia zil zo a hia, Aigupta gam hi ni dang lai pek ah a lapil masa, a lakhangto masa a hiu ah. Zia gam pilna zosia hung zil zo ah Pharaoh din mun ah hung ding thei pa chu ngaisan umtak a hia, mani ah le kingaisan thei dinmun a hitai. Himaleh

Mosi dinmun Bible ah kimu chu Number 12:3 ah Mosi chu leichung ah mizosia lak ah thunuai gawl pen leh nunnem pen a hi ti i mu. Min dawium tak leh ngaisan um tak piak in a um hi, bang zia a hi diam? Mosi hin Khrista kingaitawmna leh khawvel a ding ah Khrista chu hung kipia, khawvel musit ah hung um ah a thawkna ding te hi a tung nailo thil himaleh zia chu thagau in a la mu chian ah, a la tel kei ta a hi. Zia zia ah chun Khrista a musitnau leh amutawmnau chu Aigupta go leh hausakna te sang in a ngaisang zaw zia zia ah chun Pathian mi te tawh sukgentheina chu a la tel zawta a hi (Hebraite 11:24-26).

Mosi hin Khrista lungthim pu in, Khrista dinmun di a lim a la thaw ta a hi. Zia zia ah chun

ma hi. Lalgam nasepna na, Pastor te bepin a sep uh zek chuamna te sem a, hun tam zaw kohchuam na a sep uh hi Pastoral ministry chu hiin i ngai tangpi'u hiin a kilang hi. Dik ten leh a kilawm hi. Kochuam tam tak chun Pastor te sep ding bik Baptisma leh Lalpa Zanan sakramen te, kichenna te, mitthi vui te bep hi Pastoral ministry ah ngai hile'u hin a kilawm hi. Upa ten Kochuam ah Lalgam nasepna chuam chuam a sep teu hi chu Pastoral Ministry in a ngai pha bek puau hi. A bang chu hitaleh, Pastoral Ministry i ti hin Khrista tawh kochuam mite kizawpna pha tak a um theina ding ah Kochuam mite Pastor in a kaihuaia a panpi sek hi a hi. Kochuam masa te leh gam tam tak ah kochuam te chun Pastoral Ministry chu "Pastor te â ding bik" ah ngai hi a tam ma ma ziang nalai uh a hi.

Pastoral Ministry chu lungthim, taksa leh thagau ah gilkiäl leh dangchak ten a

mamaw pen uh Krista hepina lul tak, a dawn theina ding ua sem ah, Pathian hepina dawngtu te'n a thil hitheia zia hiat sak a, mi dangte panpi thei ding ah siam piting ah, Pathian nasem thei ding ah sukhat leh hansanna a nei theina ding ua panpi hi a kaw k pen hi. Ti chun, Pastoral Ministry chun lusun te thamuan a, damlo te chawt thak a, suangkul tang te kan thak ah panpi te, thagau ah gilkiäl leh dangchak te hitai leh Kochuam kikhawpna guanggal te, Lalpa zanan sacrament guanggal te, Pathian tawh kipawl na miten a nei theina ding uh ngaitua te leh khua leh tui â ding ah napha sep te, zia lei ah Pathian gam a tun theina ding ah Lal nasepna bak chuam chuam te hi a kaw k vek hi. Zia na te hi Pastor te bep sep ding in Presbyterian Church of India chun a kaw i pu'a. Pastor leh Upa te sepkhawmna hi a kizawpmat zing hi, lak khen theilo, pawimaw gel gel a ngai a hi zia in Pastoral

Ministry chu Pastor leh Upa te nasepna leh mawpuakna ah ngai a hi. Chuti chuan, Pastoral Ministry chu Pastorte leh Upate nasepna in a huap khak zosia, zia lei ah Pathian gam a tun theina ding ah Lal nasepna pumpi huap hi a hi. Kochuam Lal nasepna ti le hin huap kim pen leh a kilawm hi.

Manipur gam ah Kochuam kiphu dan leh a khan zel dan: I thugen uh panpitu dingin leh suchiantu dingin Manipur gam ah Kochuam kiphu dan leh a hung khanlet zel dan tangpi zil leu hin. Manipur gam a hin chanchinpha hi kilkhat apat ah hung lut mai hiloin, sim leh mal ah kipat ah chanchinpha meisel hi hung kide lut a hia, zia chu mangin Kochuam chu a hung kibelap zel ta a hi. Sim lam apat ah meisel de lut ten a din uh, NEIG Mission mangcha'n Kochuam duanghawi tak

in a chiato zel a, Manipur gam sung bep tilo Tripura, Bangladesh leh Myanmar tiangin Chanchinpha hi a kithezak ta a hi.

Kochuam chu khang zêlin, kum 1925 in Vangai Presbytery a hung piang a. Mission na a hung punga, ngaitua ding a hung tam a, kivaipuak dan mumal zaw nei a hung kul ta, kum 1936 ah Working Committee din a la hi. Ki vaipuakna mumal tak chun gapha suain kum 1948-ah khan Presbytery thak pali din a la hi, ama ah ala umsa pakhat tawh panga a hung hi tai. Presbyteryte khaikhawm dingin kum 1949-ah Assembly din a hi kit a, Kikhawppi le nei a hi sek hi. Chuti a hi zing lai chun, kum 1953 ah khan nam leh pau chuam chuam dungzuiin kikhenna a hung um ta, Assembly ah kizawp khawmna chule a hung tan ta a hi. Himaleh, zia gual

a nung zuiute a zilsak dan khat vak ngaitua hi tiu (John 13:4-15). Zanan a neknau ah chun ahung kipan ah a puan sil a kawitha, kithekna puan ala, akawng in a vei ah, anung zui te keng a ban in a hun sil ah Peter kiang a hung tun phat in Peter chu a nuam pua. Lalpa nang hil hial in maw ka keng la sil ding tin a nuam pua'i. Jesun a kiang in la keng ka sil lo a hi chun keima ah hin chan nei lo ding la hi a tia. Zia hin Jesun a nung zui te a zilsak nawp pen chu kingaitawm tak ah na kisseppiaktua chiat din a dawhi. John 13:14 na khan Jesun zia gual hin a gen hi, keima la Lalpau leh hotu Pau inle la keng uh ka hun sil piak a hi leh nang uh le la keng uh la kisil piak sek diu a hi a tia. Zia tak ah i dawhi pen chu kuang ah tui kawhi in i keng uh kisilpiak khel lo leu hin le a pil pen in le a mawl pen te

keng sil nawpna lungthim kingaitawmna i nei ding uh chu Lal Jesun ei zil sak nawp chu a hi. Zia gual kingaitawmna chu la nei lo ua leh keima a hin chan nei puan lau ei tina gual in ngai leu hin malsawmna dawng ngei hi tiu.

Tulai ah mi tamtak lungthim a chun khawtang kivaiahawmna hi hen la insung ah le thiamzilna lam ah a zil sang pen ka hia, a thu nei pen ding ka hi tina te a hilo leh insung ah lawtam pen, sum leh pai pawlut tam pen ka hia, a thu nei pen ding ka hi tina te, a hilo leh Pa pen ka hia Insung chu ka thu thu a hi ti lungthim te a hisek hi. Zia haw hi Khrista lungthim, Khrista keng nung in a um pua'i. Unau tunin Pa pen le a pawimawna mun ah cha neupen te sang ah niam zaw kikawi thei ah a thiam pen in le insung

LAL JESU KENG NUNG

Phillipi 2:5

-Upa Gouchindou, New Moreh

Zia lungthim Jesu Khrista ah um kha nang mau ah le um ta hen.

Lal Jesu keng nung i zui nau ah i kibulpatna ding uh chu, KINGAI TAWMNA a hi.

Lal Jesun le khawvel a ding ah damna a hi theina ding ah khan kingaitawm nan bul apan a hi (Philippi 2:6-8). Ama chun Pathian tawh kibang ah um Pathian gual ah um chu thil khiak la thei in angai pua. Ama leh ama ahung kingai tawm ah Pathian lopi chu mihing ah hung kisiam in mihing ah le mi nuai nung pen suak gual in ahung kingai tawm ah. Nang leh kei leh khawvel dam na din genthei tawp khawk thuak in khraws in a hung thi a hi kha. Zia ziak ah chun Khrista nung i zui nau a hin kingaitawmnan bul pan hitiu. Zia hin thawkna le a keng khawm a hi. Khrista'n a hun thawk piak ziak in zia gual hi ding ah chun ko la hui. A keng nung la zui ding ua a hun nut sia piak la hui hi (1 Peter 2:21).

Khrista keng nung i chawt khial sekna hi ngaisan leh chawisan a hi kingaitawmna i taksap sek hi ngai pua'i. Khrista dan ah ziak uh a hi sek hi. Khawvel chun vang a lian pen hi lam dan ah chun mi dinmun ding chun a neu pen gual ah a um ah a neupen na a niam te, kingaitawm te sep di a hi ti a hi. Lal Jesu'n

hin kikhen zâkna um maleh, NEIG Mission nuai in a umkhawm chiat nalai u'i. Tichun, NEIG Mission nuai ah chun nam chuam chuam te chun kochuam chuam chiat neiin a hung um mai uh a hi.

Manipur thingtang mite lak ah kochuam hung ding dawk te hi pha tak in en le hin, thil kichian ma ma pakhat chu chanchinpha in mite hinkhua masawna chi chuam chuam - lekha thiamna, pilna, hiat belapna leh thil dang dang a hung tut hi. Lam chuam chuam in thingtangmi te chu dinmun sang takin a langkai a, khawvel gam lian zaw a mu sak a. Ziate hi chanchinpha thu tak mang ah ziltil, puihuai, chia lamzan sak leh etkawl a hilo chun masawna te hi matkhial leh chiapi khial thei chiat a hi'u. I mat diklona'u le gendi umthei in a. Zia ziak chun, Pastoral Ministry i chiapi guat dan ua hin Khrista

chanchinpha tawh kituakin i mite'u hi i puihuai pha tawkin i hiau em? Ma lakna ding bang bang i nei nalai uh em? I Pastoral Ministry hin i mite'u khawsakna hi huap zo in i hiau em? Lal na i sepnau a hin mabak um nalai in i hiau em? A la thil khawm hi tiu.

Tu leh tu ah Manipur gam dinmun tângpi:

Manipur gam ah cheng tam pen chu Phaijang ah cheng Meitei te a hui a. Meitei te lak a hin Khristian tawmcha um maleu a tam zaw chu Hindu sakhua zui a hi'u. A mau hi gam neitu ah kingai, gam vaihawmtu pen a hi'u. Meitei tilo hi chu thingtangmi nam chuam chuam cheng khawm te i hi'u. Thingtangmi zosia ti thei phial hi chu Khristian, Kochuam chuam chuam ah um te i hi'u. Manipur tângmi te lak ah chanchinpha a tunna chu kum 100 a val ta. Chanchinpha a tunna kum

chu sawt ma ma ta ziang leh le; gam vaihawmna a fel zawlo zia te, chi leh nam kikal ah kituaklona a um sek zia te a hi diam, lemna lampi hawl sangin buaina ding hawl zaw hileu hin a kilawm sek hi. Husa bawl thiam thiam thuneitu hileh kilawm, mi dangte sulau thei ding te thu zawp lo theilo hun a um sek hi. Hindan a tanzau a, zia zing lai a chun nam **kidaidanna** chu a lian ma ma kit hi. *A gu dawng dawng pawt* ti kha khawtang hinkhua a le a himai ta hileh a kilawm hi. NGO ten Kochuam leh Khawtang tiang ah thu a nei hun uh le a um sek a. Nisin hindan, politics khawvel, nek hawl na leh Khristian hinkhawmna tiang in khawvel lalna lungthim in mun a chang thuk ma ma'i ti thei hileh a kilawm ma ma hi. Zia gual hi a hi zia kin Kochuam kizawpkhawm ah thil bawl khawmna um sek maleh, hattak ah malakna chu

a haksa ma ma hin a. Nam ah kikhen chuamna hin mitin lungthimin mun a lua lian pen hiin a lang hi. Zia zosia hi ngaituain Pastoral Ministry hin sep ding a nga ma ma'i ti a kilang hi. Chuti a hi laiin mikhenkhat chun siamphat na hi i sep ding uh hilo gual ah ngaina i nei kit uh hileh a kilawm hi. Bang chu hita leh, Pastoral Ministry thiltup leh ngim ngaitua chun i sep ding uh chu a hi ma ma zaw'i.

Sutzawp ding.....

**KOCHUAM COMMITTEE
RETREAT-CUM-
SEMINAR**

A hun : August 25-26, 2018
A mun : Synod Hall &
Hill Town Kochuam
Biak in
Speaker: Rev. Vanlalbela
Mizoram
A pang ding te -
Upa, Pem Upa leh Tual Upa te.

puau. A puitu teu lak ah zia gual ah pawl kikaihuaina leh thugin hechian lo a um vang uh chun pawl leh kochuam khantona dâl tu lian tak a hi sek u'i. Puitu in a puina ding mun leh tup (goal) a hiatchian chun haksatna mun in le a pui huitung ngei ngei sek hi. Member phachuam tak leh sem lawk tak i hi theina dingun i thugin uh hi pawm det ah i hiatchian ten uh a kul ma ma hi.

4. Thugentu leh gingtu dang te puitu pawimaw a hi. Gingtu hinkhua a hin mani nawp sak lam leh daw lam chiapi bek lo a, lampi umsa Kochuamin Thagau Thiangtho tawh hun sawt tak a la zawt khawm sau zui mai hi a pha pen a hi. Gam khenkhat leh India gamsung khenkhat a chun Thugen hi Sathaunu te chan in a kaw mai ua. I kochuam ua hin chu Pastor leh Upa te bakin thugen ding ah kilawm te

kochuamin a kiguat sek a. Lal nasepna lul tak a hia, ki dawisak tak ah i kiguat sek uh hile a phatna tiang a um tho hi. Zia chu a hizing laiin, kochuam puitu leh thugentu te vang vang chun i Thugin uh hi i vawp phat ua i hiatchian uh chu pawimaw ma ma ding a hi. I thugen uh leh i Thugin uh a kikal kha em ti hile i kietchian mun deu uh chu ngai ma ma in a. Mani kochuam umna kal zawng ah thugen tuipi ma ma ziang ti le um thei a hi. Zia gual chu i hilona ding uh leh kochuam ten Pathian thudik i hiat ua zilsakna diklo lak ah i bit zel theina dingun i thugin uh hi det tak in vawp zing in ei puitu phachuam takin mang zing hi tiu.

'I kinep uh i thugin uh hi a linglona dingin pawm det zing hi tiu, thutep chu a ginum ngal a' (Hebrai 10:23).

Kochuam chanchin i zil chun kochuam din til apat sawtlo cha a ziltill dan kibanglo i mu ngal ua, zia chun gingtute kikhenzakna leh buaina a tut hi. Bible hi mani dawm dan leh phasak dan, pawm nawp i sak lampang ah genchian/hilchian ah chiapi mai chi a hi him him pua'i, pilvang tak ah zil ah genchian sek ding a hi. Thugin dik chun Bible zilsakna taisan zawng in a zilsak ngai pua, Bible hi a belchian zaw sek hi. Lampi dik leh bit i zawt thei zelna dingun i Thugin uh hi vawp det zing hi tiu.

2. Gintu te a dingin thagualam an a hi: Gintu chawmtu an pha chu Pathian thu Bible hi a hia, Bible hin a huap let bek ziakin hiat khial leh hiat thiamlo tam tak umthei a hi. A umzia tak leh a kaww dik tak i hiat theina ding un i thugin uh hi a pawimaw ma ma a hi. Thugin chun Bible ziltillna zau tak hi kitup takin a khaikhawm a, thugin

tangpi zui a Pthian thu zil hi a bit ma ma a hi. Taksa hin an pha a phatchuam pi ah an phalo a siatpi gual a hin, Gintu hinkhua hin an pha a phatchuam pi ma ma laiin, Pathian thu diklo leh chiapi dan chuam deu hin chu gintu hinkhua a sukhatlo bep hiloin lampi diklo in a pui lut sek a hi. Kochuam thugin hin hindan te, gindan te, chêt dan te, Pathian pawl dan te tiangin gintu hinkhua hi a kaihuai a, a chawm liana, a khan sak a, a hung piting deu deu sek a hi.

3. Masawna leh hatna: Pawl leh Kochuam him him hin tup, kingakna leh chiadan i nei chiat ua, a sung ah um member te a ding a chun/kochuam thiltup/thugin hiat leh zawp chu makmaw a hi. Bang pawl leh kochuam hiziang ta lehle mani umna pawl thitup le thugin he chianlo chu miphachuam leh sem lawk tak a hi thei ngai him him

THI TIANG AH GINUM AH LAL NASEP Thupuan 2: 8-11

*Rev. Hesei Vaiphei
i/c D. Khawzim Pastor Bial*

Thupi lut masangin a background tawmcha vak gen lang masa'i ti'u. Rome Lalgam a vaihawmtute chun a lal uh chu Pathian guala biak ding a hi ati lai ua khan, Khristian te chun Jesu Khrista lo chu biak ding Pathian dang kuama a um pua'i a tiu ah. Ziaziak chun Khristiante chu mite huat leh muda a hung hitau ah. Gingtute lak ah mi khenkhat te chun a sakhuau' ngaisak ngam ta loin sukgentheinate lak ah a bit theina dinguh leh ahin nau hukdaw ah a um thei na ding un, Jesu Khrista a ding ah ginum zo talo in a phatsan tau a hi.

Ziktu Johan hin AD 95 vel ah a zik hiin a ging chau hi. Thupuan daww hin a tup pen tak chu Jesu Khrista gingtute chu Rome Lal bia ding ah, thupiak in um maleu ginum tak ah Lal Jesu a ding ah ding det ding in a fui hi. Melmaten banggual ah soisa maleu Lal Jesu a dingin thi tiang ah ginum dingin a fui mawl mawl hi. Chuleh, thitiang ah ama a ding ah ginumte a dingin hinna Lal

Lukhuk piak a tiam piak baww hi.

Awle, i thupi tel uh, thitiang ah ginum ah nasep ti a hia, gingtute lak ah hin vak ngaitua leu hin, Lal Jesu hi Lal leh hukdampa ding ah i pawm vek ua, gintu hina hi langsal tak ah, suklat hi i nuam ma ma'u ah, himaleh gintu kiti sek te hi Lalpan a ma a ding ah thitiang ah ginum ding ah ei kinep pite i hi zing

lai ua hin, bang a tileh ginum zo sek talo i hi diam uh?

1. Ginum na a pawimaw

dan:- Pathian ginna kawng leh mihing chen khawm na a hin ginumna hi a pawimaw ma m'a hi. Ginumna panglo in sungkuan a kekzak ah, mimal hinkhua leh gam leh nam ziangle a za um theilo a hi. In leh lo hile lopi leh nuam takin din hima leh a sung ah chêngte i ginum theilo chun In nuam a changthei/hithei ngai pua, ginum lona ziak ah khawvel ah hiatding thil huaise tak tak a tam ta a hi.

I Bible chang taklat uh khan, Smurna khua kochuam vansawlchak kiang ah chun, zia gual hin zik in. A masa pen leh a nunung pen, thi ta hung hing kit ta chun zia thu hi a gen hi. La genthei

dante leh la vaichak dante (ahin la, la hausa nai) a ti bawk hi. La thil hun thawk dingte hi lau kin, ngaitia, patep ah la um theina ding in Diabol in khenkhat suangkul ah hun khum intin genthei thuak in lau, himaleh thi tiang ah ginum in hung um ta'n; tichun, hinna lallukhuk hun pia ding ka hi a ti'i...

2. Lal Nasep na ziak ah haksat nate:-

Khawvel ah i um sung ah Lalpa nasepna ziak ah haksatna leh lungkham nate, suangkul ah khum tiang le i tuak thei hi. Zia hun ah chun le Lalpa â ding ah thi tianga ginum dingin tuni a hin Lal Jesun ei chial a hi. Mihingte hi ginumlo sek ma lehin, Pathian chu a ginum ah, a thu tiam kawng ah le, a ginum zia Genesis lam ah i muthei a hi. Pathian a ding ah mi lopi leh ginum

KOCHUAM THUGIN PAWIMAWNA

~ Rev. C. Lalngaihawma
i/c. Sugnu Pastor Bial

Thumapui: Manipur Area le hun chawmlo kal sungin kum sawm val zen Mizoram Presbyterian nuai in i la um tamai ua, taksa leh thagua lamin le lam chuam chuam in ma i sawn nasa khawp mai u'i. Mizoram Presbyterian ah i lut ziak uh hi thil tam tak ziak hi dingin a ginchak um a, zia a hi zing lai chun Presbyterian Kochuam thugin hi phatchuampi hi tiu ti ah lut chu kihilo maithei a hi. I lut ding kuan ua khan le a thugin uh hi bang a hi em ti ah ngaituana seng chu kitam lo maithei a hi. Kochuam kibanglo apat hung lut i hi tak zia kin i kochuam umna masau kha tawh kibatlona tam tak chu um ngei intin, chia dan bep hilo in, i thugin uh dettak ah i vawp uh hin, kibatlona lian tak a nei ngei ding le ginchak a um hi. I kochuam thugin chu i pawm leh zui ngei ding a hiziak in lungawpkai tak ah um le um ngei ding i hi'u. Hi ziang tamaleh, i umna kochuam thugin chu i pawm makmaw a hi zia kin, i pawm ua, i zui bawk ua, i zil bawk ding uh a hi. Tu hun a hin chu haksatna leh buaina i nei uh le ginchak a um pua. Zia a hi zing lai a chun Kochuam pumpi hin Kochuam Thugin pawimawna hi i zil kit ngen uh a pawimaw ma ma hi. Tu chung a hin le Kochuam Thugin pawimawna taklang kit ding i hi'u.

1. Pathian thutak hiat chianna leh zilsakna diklo apat ei vengtu a hi. Thugin hi Pathian thu zilsakna lakchawm leh genchianna chikhat a hia, Bible zilsakna zâu tak mai chu mumal takin a kan khawm a, a thu leh a zilsakna a chûn khawm suak a hi. Gingtu tamtak chun Pathian thugin sang in malzin pakhat thu gen a ngaikhawk zawk sek zia kun zilsakna diklo in a puklut veu sek u'i.

Solomon chun Pathian kianga thilpiak a lat laiin, “*Nangma a ma ma chu ka hun piak kik uh a hi zaw’i*,” a ti’i (1 Khangthu 29:14). Pathian chu lei leh van leh a sunga um zosia neitu ahia. Thil zosia, i hinna zosia tawh, i nei leh lam leh sum leh pai leh i lei go zosia hi ama a vek a hi. Zia thutak hi pawm haksa maithei maleh Bible ziltilna pawimaw ma ma khat a hi. A kawltute mai mai i hiu ah, i kikawp uh le hilo, Ama a vek a hi. Ei lakpiak thei ah, ei pekik thei hi (Job 1:21).

I sum leh paite hi i nawp dan dan ah kimat thei gualah i ngai chun i matdan le a dik ngai pua, Pathian kianga thilpiak le haksa a kisa, sawm ah khat hile pamai sak kham a hi. Neitu gualah kingai loin, enkawltu gualin kingai leuhin piakdaw le bailam deu intin, i neisun uh i matdan uh le lamzang ding a hi. Sum hi muna lam sangin matna lam a pawimaw zaw gamcheng

ah. Masawna dingin sum muthiam bep hilovin, matthiam le a pawimaw ma ma hi. I mu zosia lak apat sawm ah pakhat Pathian kianga i piak hin, pakuate matna chu sawm matna sangin a lawk zaw thei hi. Mihing sutdan ah chun ginchak a umlo maithei. Pathian sutdanin a dik hi.

Thilpiak dang dang le sawm ah pakua lak apat piak naklai ding a hi. Bangkimin i thilneite leh i hindan ah Pathian sulungawi phawt leuhin, bangkim neitu chun i pawimaw zosiau ei piak belap ding a hi. Pathian kianga bat ditna gualah le ngai loin, Ama’n ei hepi masak ziaka i hepi thuknau a hi zaw’i. Ziagual lungthim chu pû ah phaltak leh lim takah pete chungin Pathian a lungawi ah. Taksa lam gual tho in Thagaulam ah le a tu tamte chun a luak tam sek u’i.

Abraham in Pathian a gin nasat zia te ihia...A suante kum 40 leh tizet a vakvai nungun Pathian ginumna chun gam a tiam Kanan gam chu a puilut ta a hi (Joshua 21: 43f). Pathian ginumna i nei ziak ua hin ei uh gingtute le ginum tak ah nasepna ah a ma pak chung ah, a biak in huangsung a lut ah, Pathian chawihawi dingte chu i hiu.

Lal nasepna ah, Kochuam chet vel na ah, khawtang hinkhua ah, sungkuan ah, mimal hinkhua ah, basap/taksap ni umsek maleh, ama a ding ah pan lathak kit in, haksatna, gentheina tuak hun a le, ama a ding ah ginum zing thei ding in pan i lak thak kit uh a pawimaw hi. 1 Thes. 4:16-18 sung i et chun “*Lalpa ngei chu thupiak kiko thawm tawh, vansawlchak chungnungpen kona*

tawh, Pathian pengkul gi tawh, van ah kipat hung ding ahi..ti imuu a hi. Lopi takzet in thitiang ah ginum te a ding ah chun...

Pual chun Lal na a sep ziak ah haksatna leh lungkhamna a tuak sek te kha gingtute thamuan na in amang ah, Lal Jesu ngei chu a mite pui ding in hung kit ngei ding a hi ti a gen ah, gingtute chu zia thu a hin kithamuan tua sek dingin ei dawi a hi. Thitiang ah ginumte kiang ah lawman piak a tiam bawk ah, zia chu mihing ten i ki dawisakna ziak ah i ki piak gual mai mai hi a hi pua, kumtuang a ding ah i Lallukhuk ding a hi. Haksatna leh lungngaina, beidawna nuai a le gingtute chu ginum tak ah Lalpa na sem zêl dingte chu i hiu. Zia khawvel ah i um law napen uh le a hi. Chuleh, gentheina tamtak thuak pum ah Pathian

gam lut dingte i hiu ti Bible in chian tak in ei gen hi (Nasepte 14:22).

3. Lalpa miten hangsan takin Lal na a sem sek u'i:-

Lal Jesu hatna ziaik in gingtute chun ginum tak in Lalpa pak chung in Lal na a sêm sek u'i. Jesu nungjui 12 te i et chun, hangsan tak ah martar a thi vek a hiu. Bang ziaik ah Martar ah thi ngam vek a hiu em? ti i ngaitua chun thi tiang ah ginum te a ding ah hinna Lallukhuk Lalpan piak atiam a dawn ding uh am'u leh a hiat chian ziaik uh a hi. Khenkhat te chun tumasang ah i thil hiphat teu leh, thiam nate, thil hithei nate, chapo pi tamtak i umsek ui. Masang ah i thil hiphat te, leh i felnate, ahem khatvei nivei thil hiphat te suangthei i hipuau, tu hun zel hi a hi a pawimaw chu.

Thada tak ah Lalpa nasemte chu hanse dawng

in um uh hen...(Jeremiah 48:10) ah i mu gualin i phak tawk tawk ah i thei na tawk ah, thi tiang ah Lalpa â ding ah ginum tak in a na sem hi tiu. Paul leh a lawi te'n Khrista ziaik ah mingawl a kiti thei nau hi bangziaik a hem? Khrista ziaik ah thuak ngam, Khrista ziaik ah khawvel thil taisan ngam a hinau a genchian nau a hi. Khrista ziaik ah mi ngawl te hi khawvel miten a musit ua, himaleh Jesun a ngaina a hi.

Noa'n kum za val lawng a tuk khan midang te chun a nuisan ua, a simmawu ah, ahinla Noa khan a ma thu in lawng a tu pua, Pathian thupiak gualin ginum tak in a tu ngat ngat mai a hi. Gua a hung zu, tui a hung let ah, Pathian ziaik ah mingawl kiti pa chu mipil leh mi lopi a hung hita, mite musit penpa chu khawvel

ua. Sum leh pai ah kingalo, Pathian ah kinga, Ama tawh kipawl zing mi chun, a haksat laitak inle sawm ah khat chu a pelo theilo a hi. I Pau van ah um chun a chate hi ei khawtua ma ma ah. Ama kianga diktak ah piak chu, a khuta kikawlsakna leh i pawimaw taphawt ah ama muan ngamna a hi. Ginum tak ah sawm ah khat pete chungin Pathianin a ginumna a latsak sek hi. Matthai 5:2 in a gen gualin, i goteu Pathian kianga pe zing mi i hiu chun, haksat lai leh nawpsak lai ah le ama tawh limtak ah kipawl zing mi ihu tina a hi.

5. Sawm ah Khat hi Thil Thiangtho a hi

Thiampute Bu 27:30 na chun "*Gamsung ah sawm ah khat zosia, lo ah thâiga hi hen la, thing ah gate hita leh, a leng in LALPA chantum a hi: LALPA a ding ah thil zek thiangtho a hi,*" ti i mu. Bible ahin biakin sung ah matchak leh um leh bel te, kithawina thilte, Najirit mi hina te leh sawm ah khat te hi thil zek

thiangtho ti a hi. Zia thilte hi min a sukbuak chun a chungin Pathian lungnatna a tung sek hi. Samson in Najirit mi ahina ala ngainep ah, a chungin thina a tun khawlaw hi. Belshazar khan biakin ah um leh belte zu leh sa neknan ala mang ah, a chungin Pathian lungnatna a tung ngal hi. Sawm ah khat chungchang ah le, Israelten a piak diklo ziaikun Pathianin, "*La sawm ah khat leh thawlâwm thillat un lei suam sek uh ahi! Keima lei suam ziaik un, la nam pumpiu hânsia pua la hi tau hi,*" ala ti'i (Malaki 3:8,9). Sawm ah khat hi i mimal leh inkuan bep hilo, i gamsung leh namsung ah le vangphatna ding ah thil pawimaw ma ma le ahia. Nam pumpi'n malsawmna dawn theina leh hansia dawn theina ahi.

6. Pathian â Ma Ma i Piakkik a hi

Pathian thu chun, khawvel leh a sunga um zosia hi Pathian siam leh Pathian a ahi ti kichian takin ei hil ah. Leng

thilpha chitin a thawn ah ei piakte hi ei lakpiak thei zing hilo a hem?

3. Phal Dungzui ah Piakding hilo

Pathian kianga thilpiak hi phal zat zat piak ding himaleh, sawm ah khat bik hi chu phal dungjui hilovin, diktak ah piak ding a hi. Mi khenkhatin sawm ah khat pelo in, a phal zat zat uh a pia ua. 2 Korinth 9:7 ah “Mi zosian... lunggil ah a tup gualun pe chiat uh hen” ti hi pansan in, a piak zat zat ua Pathian kipak mai dingin a ngaitua ua. Ziagual thilpiak ah chun Pathian a kipak hi ti Bible ahin mu ding a um pua’i. Anania leh Saphira te nupan chanchin kipat khan, i phal zat zat piak ahin Pathian a lungawi pua’i ti a hiat thei hi.

Pathianin a mite kianga a phut hi a sang ma ma ah, i nei zosiau piak ahin a kipak hi (Marka 12:43,44). Meithai pakhat hin a bulakte ah kipat sawm ah khat piak ding chu a et veng veng leh tam a sa

ma ma ah, a kimkhat vel bek chu piakthei himai leh a ti vung vung ziang hi. Zia laitak chun a lungthimin aw ahung gi, “*Kei pakhat ka chang ah, nang pakua la chang hi. I kitheng mai diam?*” ti’n. Zia kipat chun meithainu chun sawm ah khat chu tam a sa ta pua’i. Pathian kianga thilpiak hi tawm talua leh tam talua a um pua, Pathian i ngainatdan leh i hepidan zilin, i lunthimin a puak ahi. I dawisakte leh i hepiteme kianga thil i piak phatleh tam talua i umsak pua, i dawisaklote kiangan vang a tawm theipen i pesek u’i. Ziagual ma chun, Pathian kianga pe tawm chun Pathian a hepi tawm hi tina ahi (Luka 7:46,47).

4. Hun Chenga Piak Ding a hi

Sawm ah khat hi Pathian ah kinga mi leh sum ah kinga mi hiatkhen theina khat a hi. Sum ah kinga mi chun sawm ah khat hi a kiningtin lai leh a thatnawp laitak bep ua piak ding, a haksat deu phat ualeh piaklo ding gualin a ngai

thak siamtu a hung hita hial a hi.

4. Tulai gingtu kitite

hindan:- I gam ua gingtu hinkhua haksatna hi Pathian thu i hiat lo ziak uh a hi pua, i hiat gual ua i hinpi lo ziak hi zaw in a kilang hi. Tamtak he, tawmcha i zui sek ziak uh hipen ina. Zia ziak chun i nasepnau in a thuak sek a hi. Pathian launa tak tak neilo gingtu, pawlam latdan ah chun hawi leh pha ma ma kilawm ma ma a um thei hi. Lalpa Lalpa ti ah kiko, ama zana leh launa tak tak neilo, sunggil hinkhua ah takna neilo, ziate chu a hui, Lalpa Lalpa ei ti tapo vangam lut puan au a ti te chu...

Unaute haw, tuni ah hin Pathian â ding ah ginum tak ah, a dawigual nisin ah i sep zel uh a pawimaw hi, Pathian dawizawng chu Lalpa

minlam mai bak ah, Lal Jesu ging ah, a thu zawm ah, a ma ah, kingak ngamna hi a hi. Lalpa Lalpa ti ah a thu zawm diaklo te hi Pathian a ding ah ginumlo te chu a hui. Lalpa Lalpa ti ah Pathian minlam tute chun a dawigual a bawl ngei ngei ding uh a hi.

Jacob 2:26na chun miin ginna kanei hi timaleh, nasep a nei diaklo chun ginna chu a thi a hi. Ziaziak chun ginna leh nasep hi a kikhen thei pua, a kizawp zing a ngai hi. Thitiang ah ginum theina ding in Pathian dawigual i nisin hinkhua ah bawl zêl/sep zêl hi a hi. Pathian dawigual ah hing lote dinmun chu huaise tak hin a. Ziaziak chun thi tiang ah ginum ah a na sem ah hinna lallukhuk chang thei chiat ding in Lalpan a thu ei malsawm piak ta hen. Amen.

KOCHUAMTE LEH PATHIAN GAM THILPIAK

*Rev. Khaisonthang Vaiphei,
i/c. Phaipheng Pastor Bial*

Pathian nasepna chiat chiat ah le i gobawmteu hawng ah Pathian nasep hi thil haksa ma ma hileh a kilawm ah. Thilpiak leh abik tak ah sawm ah khat chungchang ah hattak ah kiziltilna hi kochuamten i pawimaw ma mau hi. Pathian kiang ah thilpiak hi Kochuam ten i hi ding him leh, Pathian apat thagau lam leh taksa lam malsawmna dawnna lampi a hi dan i ngaitua thak kit dingun vak taklang hitiu.

1. Sawm ah Khat Chungchang ah Bible leh Kochuamte Ziltilna

Mi khenkhatin Kochuamte thawlawmetkawldan leh matdan a hawmthaw zia kun pe utlo in a umsek ua. Tu dinmun hin kochuam sum enkawltu leh mawpaw ding guat mi ginum tamtak Kochuamin inei ah, chuleh Kochuam sum etkawldan leh matdan kiziltilna leh kikaihaina feltak i nei ua. Petute a dingun thamuan um tak leh piak thatnawp um tak a hi.

Mi khenkhatin sawm ah khat hi Thuthung Lui

ziltilna a hi, Thuthung Thak ah a um puai a tiu ah. Himaleh Mathai 23:23 leh Luka 11:42 i sim chun, Lalpa Jesu'n Pharisaite a dem laiin, sawm ah khat piak chu "haisan diaklo" dingun a hil ah. Paul inle, sawm ah khat paukam mang chetlo maleh, Pathian nasemtute chawpna dinga kochuamte thilpiak pawimawdan a gen ah (1 Kor 9:1-14). Sawm ah khat hi gingtu taphawtin piak zing ding ahidan a hiat thei hi. Kochuam masate'n le sawm ah khat piak hi nasatakin ala kiziltil ua. Inlam leh lolam ah ga piang, thaite, ganchate leh sum leh paite ah kipat sawm ah khat chu Pathian nasemtute

a dingun a pesek u'i. AD 250-500 kikal ah kizik Apostolte Dan Bu chun le, "Ga thak masa zosia chu Bishop te, Presbytery hotute le Kochuam Upate a dingah hun chawi un. Sawm ah khat dang zosia chu sawlchakte chawpna ding ahi" ti a kizik hi. AD 590 kum ah Seville khua ah khawmpi chun: "Kua hitaleh, sawm ah khat a piaklo chun, Kaina'n a piak diklo zia ah a chung ah Pathian hansia um kha a chungin um hen," ti'n thupiak a bawl hi.

Ziaziakchun, sawm ah khat hi gingtu mimal khenkhat leh kochuam khenkhatin a piaklo zia ua piaklo mai ding a hi pua, Pathian Thu leh eima sia leh pha hiatna'n thiamlo ei chanlona ding ah piak ding a hi.

2. Sawm ah Khat hi Pathian Kawi Pawimawpenna a hi

Dan Bu 14:23 ah chun, bangziaka sawm ah khat piakding ahem ti ei gen ah. Zia chu, "LALPA la Pathian

uh launa chang la het zing theina ding un," ti a hi. Sawm ah khat piak zia k thupipen chu Lalpa Pathian chu i hinna ah pawimawpen leh a masapen ahidan etsakna a hi. Pathian sulungawi phawtin, Pathian ban ah i inkuanpite leh midang panpi ngaite sawmdawl leuhin Pathian dawidan a hi. Sepna neite chun law i la, bill leh bat leh pawimaw chuam chuam i piakdaw zaw phatleh sawm ah khat ding a um sek ta pua'i. Ziagual ding chu a hi pua. Thildang piakdaw masang leh pawimaw dangte chawk masanga sawm ah khat Pathian a dinga kawidaw phawt ding a hi. Pathianin Ama a masapen ah i kawi dingua dawi ah. I pawimawna zosia ah matzaw nunga, a val a um leh Pathian a ding ti hi a dawidan ahi pua'i. Pathianin i muphaklo leh i hiatphaklo in i vangphatna dingin chawllon a sêm zing ah. Sawm ah khat i itchak gualin Pathianin a malsawmna itcha taleh i nuam diak diam? Sum ah le chawk zawlo malsawmna cha leh naute, damtheinate leh